

CONCURSO DE DESEÑO DE CARTEL E VÍDEO PARA LLE DAR PUBLICIDADE AO PROTOCOLO DE ACTUACIÓN ANTE SITUACIÓNS DE ACOSO SEXUAL, POR RAZÓN DE SEXO, POR ORIENTACIÓN SEXUAL E IDENTIDADE OU EXPRESIÓN DE XÉNERO

A Universidade da Coruña aprobou o Protocolo de actuación ante situacións de acoso sexual, por razón de sexo, por orientación sexual e identidade ou expresión de xénero na UDC, no Consello de Goberno do 30/10/2019. Todas as persoas teñen dereito a levar a cabo o seu traballo ou a súa actividade libres de acoso sexual e por razón de sexo, con pleno respecto á súa intimidade e integridade física e moral. A UDC debe contribuír a previr a aparición de condutas que se consideren sexistas, co fin de lle garantir esa protección tanto ao seu persoal como ao alumnado. Coa elaboración do protocolo, a nosa universidade pretende poñer a disposición de calquera persoa que manteña algún tipo de relación con ela unha ferramenta para a prevención e protección fronte a posibles situacións de acoso sexual, por razón de sexo, por orientación sexual e identidade ou expresión de xénero, mais garantirá sempre a confidencialidade.

OBXECTIVO DA CONVOCATORIA

Convocar un concurso para lle dar unha maior publicidade e visibilidade ao protocolo, a través do deseño dun cartel ou dun vídeo.

SOLICITANTES

Poderanse presentar ao certame, de xeito individual, todas as persoas integrantes da comunidade universitaria da UDC, isto é, PAS, PDI, alumnado dos distintos niveis (graos, mestrados, doutoramento, títulos non EEES) e persoal contratado.

BASES DO CONCURSO

1. Información que debe figurar nas propostas de cartel e de vídeo

Tanto o cartel como o vídeo débense orientar a darlle publicidade ao "Protocolo de actuación ante situacións de acoso sexual, por razón de sexo, por orientación sexual e identidade ou expresión de xénero" da UDC, que se pode atopar na ligazón:

https://www.udc.es/gl/oficinaigualdade/protocolo_acoso/

2. Requisitos técnicos

As presentacións deben ser nos seguintes formatos:

- Cartel: entregarse en formato jpg con 300 ppp.

- Vídeo: terá unha duración de 2 minutos como máximo e 1 minuto mínimo. Admitiranse vídeos realizados con dispositivos móbiles ou en plataformas dixitais creadas para tal fin (Tik-Tok ou similar) sempre que estean libres de publicidade e que contén cos permisos de reprodución e difusión pertinentes.

FORMALIZACIÓN DAS SOLICITUDES

Só se poderá presentar unha solicitude por persoa para cada unha das categorías do premio.

Os arquivos correspondentes ao cartaz ou vídeo que se presenten ao concurso compartiranse mediante a plataforma OneDrive ou similar.

Código Seguro De Verificación	x4JN+8/jFC+vbkmBSM3AqA==	Estado	Data e hora
Asinado Por	Cristina López Villar - Vicerr. de Igualdade, Cultura e Deporte	Asinado	05/07/2021 13:09:18
Observacións		Páxina	1/8
Url De Verificación	https://sede.udc.gal/services/validation/x4JN+8/jFC+vbkmBSM3AqA==		



Para a inscrición deberase achegar a seguinte documentación:

1. A solicitude, que se inclúe como anexo 1, debidamente cuberta, onde se incluíra a ligazón ao arquivo correspondente ao cartel ou vídeo que se presenta ao concurso.
2. O consentimento para a obtención de datos persoais: captación e difusión de imaxes, que se inclúen como anexo 2 e anexo 3, debidamente cuberto e asinado.
3. Fotocopia do DNI

A documentación dirixirase á Oficina para a Igualdade de Xénero, e presentarase unicamente a través do rexistro electrónico da UDC:

(https://sede.udc.gal/services/telematic_register)

Se a solicitude non cumpre todos os requisitos documentais, requirirase á persoa interesada para que os emende, nun prazo de dez días, de conformidade co artigo 68.1 da Lei 39/2015, do procedemento administrativo común das administracións públicas. Considerarase que desiste da solicitude quen non responda en prazo ao devandito requirimento. Para os efectos do requirimento e notificación, a comunicación por correo electrónico considerarase válida, de acordo co artigo 41 da Lei 39/2015, do procedemento administrativo común das administracións públicas.

A UDC resérvase o dereito de lles poder esixir ás persoas seleccionadas aqueles documentos que estime oportunos para acreditar a súa vinculación coa Universidade da Coruña. No caso de que aparezan persoas recoñecibles nos vídeos ou no cartel, deberase acompañar do anexo 3 asinado polas ditas persoas (un por persoa), en que autoricen o uso da súa imaxe ou, en caso de que esas persoas recoñecibles sexan menores de idade, polo pai, a nai ou titor/a da/do menor.

PRAZO DE PRESENTACIÓN

O prazo de presentación das solicitudes permanecerá aberto desde o día da publicación desta convocatoria ata o **24 de outubro de 2021**.

NATUREZA E CONTÍA DO PREMIO

Para a concesión destes premios destinarase un total de **500 euros** con cargo á partida orzamentaria **170044014 321A 640.00.18**

Os premios para as dúas mellores obras consistirán nunha dotación económica de:

- 200 € para o cartel
- 300 € para o vídeo

Os premios están suxeitos á normativa que rexe os impostos das persoas físicas. Se o xurado o estima conveniente poderá deixar algúns ou todos os premios desertos.

DEREITOS

A Universidade da Coruña resérvase o dereito de difusión das obras presentadas en publicacións e exposicións relacionadas co concurso e na publicidade sobre o protocolo a que fai referencia o concurso, sempre facendo mención á autora ou autor, que conservará

Código Seguro De Verificación	x4JN+8/jFC+vbkmBSM3AqA==	Estado	Data e hora
Asinado Por	Cristina López Villar - Vicerr. de Igualdade, Cultura e Deporte	Asinado	05/07/2021 13:09:18
Observacións		Páxina	2/8
Url De Verificación	https://sede.udc.gal/services/validation/x4JN+8/jFC+vbkmBSM3AqA==		



a titularidade do dereito de propiedade intelectual sobre o seu traballo. Ademais das obras premiadas, o xurado poderá escoller un número variable de obras que considere de interese para unha posible exposición virtual na páxina web da UDC ou nalgunha das RRSS oficiais da UDC. As obras seleccionadas son propiedade de cada autor/a que só cederá temporalmente os dereitos sobre as imaxes para a exposición que tivese lugar, tras o cal se lle devolverán.

SELECCIÓN DAS OBRAS

O xurado encargado da selección das obras presentadas estará presidido pola vicerreitora de Igualdade, Cultura e Deporte ou a persoa en quen delegue, e del formarán parte dous membros do PDI como vogais xunto coa directora (que actuará como secretaria) e a subdirectora da Oficina para a Igualdade de Xénero.

As persoas que actuarán como vogais titulares serán as seguintes:

- Teresa Piñeiro Otero
- Ana Jesús López Díaz

O Xurado resolverá todas as cuestións que puidesen xurdir e que non aparezan reflectidas nesta convocatoria. A súa decisión será firme e inapelable.

A participación no concurso comporta a aceptación expresa desta convocatoria.

PROTECCIÓN DE DATOS

O tratamento dos datos persoais necesarios para a solicitude da autorización que se regula neste procedemento rexeráse polo que está disposto na normativa de protección de datos da UDC, aprobada no Consello de Goberno do 23/07/2019.

Código Seguro De Verificación	x4JN+8/jFC+vbkmbSM3AqA==	Estado	Data e hora
Asinado Por	Cristina López Villar - Vicerr. de Igualdade, Cultura e Deporte	Asinado	05/07/2021 13:09:18
Observacións		Páxina	3/8
Url De Verificación	https://sede.udc.gal/services/validation/x4JN+8/jFC+vbkmbSM3AqA==		



ANEXO 1

CONCURSO PARA PUBLICIDADE DO PROTOCOLO DE ACTUACIÓN ANTE SITUACIÓNS DE ACOSO SEXUAL, POR RAZÓN DE SEXO, POR ORIENTACIÓN SEXUAL E IDENTIDADE OU EXPRESIÓN DE XÉNERO DA UDC

Nome:

Apelidos:

DNI:

Correo electrónico:

Teléfono de contacto:

Dirección postal:

Colectivo a que pertence:

PAS.....PDI.....Alumnado.....Outros.....

Categoría a que se presenta: Cartel.....Vídeo.....

Ligazón ao arquivo onde se atopa a obra presentada ao concurso (cartel ou vídeo):

Nota: recoméndase compartir mediante OneDrive. Desde o programa OneDrive, co botón dereito do rato prema no arquivo que vaia compartir, seleccione **compartir** e a continuación **Calquera persoa que teña o vínculo/Aplicar/Copiar Vínculo**.

....., de de 2021

Asinado:

Código Seguro De Verificación	x4JN+8/jFC+vbkmbSM3AqA==	Estado	Data e hora
Asinado Por	Cristina López Villar - Vicerr. de Igualdade, Cultura e Deporte	Asinado	05/07/2021 13:09:18
Observacións		Páxina	4/8
Url De Verificación	https://sede.udc.gal/services/validation/x4JN+8/jFC+vbkmbSM3AqA==		



ANEXO 2. CONSENTIMENTO PARA A OBTENCIÓN DE DATOS PERSOAIS: CAPTACIÓN E DIFUSIÓN DE IMAXES

En virtude do artigo 13 do Regulamento (UE) 2016/679, do Parlamento Europeo e do Consello, do 27 de abril, relativo á protección das persoas físicas no que respecta ao tratamento de datos persoais e á libre circulación destes datos, informamos de que os datos que nos facilite serán tratados baixo a responsabilidade da Universidade da Coruña (UDC), cuxos datos de contacto son: rúa Mestranza 9, 15001, A Coruña, teléfono 981 167 000, correo electrónico secretariaxeral@udc.gal.

Mediante a sinatura do presente documento, autorizo a Universidade da Coruña á **captación de imaxes e/ou voz (fotografías e vídeos) con motivo da participación no acto de entrega do premio do CONCURSO DE DESEÑO DE CARTEL E VÍDEO PARA LLE DAR PUBLICIDADE AO PROTOCOLO DE ACTUACIÓN ANTE SITUACIÓNS DE ACOSO SEXUAL, POR RAZÓN DE SEXO, POR ORIENTACIÓN SEXUAL E IDENTIDADE OU EXPRESIÓN DE XÉNERO**. Así mesmo:

- Autorizo a utilizar os datos tomados **en calquera das contas oficiais das redes sociais da Universidade da Coruña, na súa páxina web, informes internos ou en calquera publicación que esta edite ou publique.**
- Autorizo a que os meus datos sexan cedidos ou comunicados aos seguintes destinatarios: **medios de comunicación locais, autonómicos e nacionais (prensa escrita/dixital, TV e radio).**

Os datos trátaranse durante o tempo imprescindible para cumprir coa citada finalidade e serán conservados durante un período de 6 anos.

En calquera caso, a persoa interesada terá dereito a lle solicitar á persoa responsable do tratamento, en calquera momento, o acceso, rectificación ou supresión dos seus datos persoais e a limitación do tratamento. Tamén terá dereito a se opoñer ao citado tratamento, así como a solicitar, salvo casos de interese público e/ou exercicio de poder público, a portabilidade dos seus datos. Así mesmo, terá dereito a non ser obxecto de decisións individuais automatizadas, incluída a elaboración de perfís.

Tales dereitos poderanse exercer dalgunha das seguintes formas:

- principalmente, a través do “Formulario para o exercicio dos dereitos en materia de protección de datos persoais”, que se pode cubrir desde a Sede Electrónica da UDC no apartado de “Outros trámites”;
- mediante unha solicitude ao responsable de tratamento dos datos (UDC, Secretaría Xeral), ao enderezo:

Secretaría Xeral, Reitoría da Universidade da Coruña, rúa Mestranza 9, 15001 A Coruña, ou ao correo electrónico rp@udc.gal; tamén se poderá presentar a solicitude a través do rexistro telemático desta Sede Electrónica ou nos rexistros presenciais da UDC.

- mediante unha solicitude á delegada de protección de datos, ao mesmo enderezo postal anteriormente indicado, ou ao correo electrónico d@udc.gal; tamén se poderá presentar

Código Seguro De Verificación	x4JN+8/jFC+vbkmBSM3AqA==	Estado	Data e hora
Asinado Por	Cristina López Villar - Vicerr. de Igualdade, Cultura e Deporte	Asinado	05/07/2021 13:09:18
Observacións		Páxina	5/8
Url De Verificación	https://sede.udc.gal/services/validation/x4JN+8/jFC+vbkmBSM3AqA==		



a solicitude a través do rexistro telemático desta Sede Electrónica ou nos rexistros presenciais da UDC.

Así mesmo, as persoas interesadas terán dereito a presentar unha reclamación ante a Axencia Española de Protección de Datos (AEPD).

Nome e sinatura da persoa que autoriza (candidato/a, se é menor de idade, nai, pai ou titor/a do candidato/a):

Lugar e data:

Código Seguro De Verificación	x4JN+8/jFC+vbkmbSM3AqA==	Estado	Data e hora
Asinado Por	Cristina López Villar - Vicerr. de Igualdade, Cultura e Deporte	Asinado	05/07/2021 13:09:18
Observacións		Páxina	6/8
Url De Verificación	https://sede.udc.gal/services/validation/x4JN+8/jFC+vbkmbSM3AqA==		



ANEXO 3: CONSENTIMENTO PARA DIFUSIÓN DE IMAXES E/OU VOZ NO CARTAZ OU VÍDEO DO CONCURSO PARA LLE DAR PUBLICIDADE AO PROTOCOLO DE ACTUACIÓN ANTE SITUACIÓNS DE ACOSO SEXUAL, POR RAZÓN DE SEXO, POR ORIENTACIÓN SEXUAL E IDENTIDADE OU EXPRESIÓN DE XÉNERO.

En virtude do artigo 13 do Regulamento (UE) 2016/679, do Parlamento Europeo e do Consello, do 27 de abril, relativo á protección das persoas físicas no que respecta ao tratamento de datos persoais e á libre circulación destes datos, informamos de que os datos que nos facilite serán tratados baixo a responsabilidade da Universidade da Coruña (UDC), cuxos datos de contacto son: rúa Mestranza 9, 15001, A Coruña, teléfono 981 167 000, correo electrónico secretariaxeral@udc.gal.

Mediante a sinatura do presente documento, autorizo a Universidade da Coruña a:

- Difundir o cartel e/ou vídeo onde aparece a miña imaxe e/ou voz **en calquera dos seus centros, nas contas oficiais das redes sociais da UDC, na súa páxina web, informes internos ou en calquera publicación que esta edite ou publique.**
- Difundir do cartel e/ou vídeo onde aparece a miña imaxe e/ou voz nos **medios de comunicación locais, autonómicos e nacionais (prensa escrita/dixital, TV e radio).**

Os datos persoais recollidos trátanse durante o tempo imprescindible para cumprir coa citada finalidade e serán conservados durante un período de 6 anos.

En calquera caso, a persoa interesada terá dereito a lle solicitar a quen sexa responsable do tratamento, en calquera momento, o acceso, rectificación ou supresión dos seus datos persoais e a limitación do tratamento. Tamén terá dereito a se opoñer ao citado tratamento, así como a solicitar, salvo casos de interese público e/ou exercicio de poder público, a portabilidade dos seus datos. Así mesmo, terá dereito a non ser obxecto de decisións individuais automatizadas, incluída a elaboración de perfís.

Tales dereitos poderanse exercer dalgunha das seguintes formas:

- principalmente, a través do “Formulario para o exercicio dos dereitos en materia de protección de datos persoais”, que se pode cubrir desde a Sede Electrónica da UDC no apartado de “Outros trámites”;
- mediante unha solicitude á persoa responsable do tratamento dos datos (UDC, Secretaría Xeral), ao enderezo:

Secretaría Xeral, Reitoría da Universidade da Coruña, rúa Mestranza 9, 15001 A Coruña, ou ao correo electrónico rpd@udc.gal; tamén se poderá presentar a solicitude a través do rexistro telemático desta Sede Electrónica ou nos rexistros presenciais da UDC.

- mediante unha solicitude á delegada de protección de datos, ao mesmo enderezo postal anteriormente indicado, ou ao correo electrónico dpd@udc.gal; tamén se poderá presentar a solicitude a través do rexistro telemático desta Sede Electrónica ou nos rexistros presenciais da UDC.

Así mesmo, as persoas interesadas terán dereito a presentar unha reclamación ante a Axencia Española de Protección de Datos (AEPD).

Código Seguro De Verificación	x4JN+8/jFC+vbkmBSM3AqA==	Estado	Data e hora
Asinado Por	Cristina López Villar - Vicerr. de Igualdade, Cultura e Deporte	Asinado	05/07/2021 13:09:18
Observacións		Páxina	7/8
Url De Verificación	https://sede.udc.gal/services/validation/x4JN+8/jFC+vbkmBSM3AqA==		



Nome e sinatura da persoa que autoriza (persoa participante, se é menor de idade nai, pai ou titor/a do candidato/a):

Lugar e data:

Código Seguro De Verificación	x4JN+8/jFC+vbkmbSM3AqA==	Estado	Data e hora
Asinado Por	Cristina López Villar - Vicerr. de Igualdade, Cultura e Deporte	Asinado	05/07/2021 13:09:18
Observacións		Páxina	8/8
Url De Verificación	https://sede.udc.gal/services/validation/x4JN+8/jFC+vbkmbSM3AqA==		

